

## На хвалитех, глас 8

C.  
A.

Вся - ко - е ды - ха - ни - е да хва - лит Гос - по - да, хва - ли - те Гос - по - да

T.  
B.

с не - бес, хва - ли - те Е - го в выш - них, Те - бе по - до - ба - ет песнь

### Сотвори в них суд написан,

Бо - гу. сла - ва си - я бу - дет всем пре - по - доб - ным Е - го.

Гос - по - ди, а - ще и су - ди - ли - шу предстал е - си от Пи - ла - та су - ди - мый,

но не от - сту - пил е - си от пре - сто - ла со От - цем се - дя:

и вос-крес из мерт-вых, мир сво-бо-дил е-си от ра-бо-ты

чуж-да-го, я-ко Щедри Че-ло-ве-ко-лю-бец.

*Стих:* Хвалите Бога во святых Его, / хвалите Его в утвержении силы Его.

Господи, оружие на диавола Крест Твой дал еси нам: / трепещет бо и трясется, / не терпя взирати на силу его: / яко мертвые возставляет, и смерть упраздни. // Сего ради поклоняемся погребению Твоему и востанию.

*Стих:* Хвалите Его на силах Его, / хвалите Его по множеству величества Его.

Господи, аще и яко мертв во гробе иудеи положиша: / но яко Царя спяща воины Тя стражеху, / и яко животá сокровище, / печатию печаташа: / но воскресл еси, и подал еси // нетление душам нашим.

*Стих:* Хвалите Его во гласе трубнем: / хвалите Его во псалтири и гуслех.

Ангел Твой Господи, Воскресение проповедавый, / стражи убо устраши, женам же возгласи глаголя: / что ищите Живаго с мертвыми; / воскресе Бог сый, // и вселенней жизнь дарова.

*Ины стихиры Анатолиевы, глас тойже.*

*Стих:* Хвалите Его в тимпане и лице, хвалите Его во струнах и органе.

Пострадал еси Крестом, Безстрастный Божеством, погребение приял еси тридневное, да нас свободиши от работы вражия, и обезсмертив оживотвориши нас Христе Боже, воскресением Твоим Человеколюбче.

*Стих:* Хвалите Его в кимвалех доброголасных, хвалите Его в кимвалех восклицания: всякое дыхание да хвалит Господа.

Поклоняюся, и славлю, и воспеваю Христе Твое из гроба Воскресение, имже свободил еси нас от адовых нерешимых уз: и даровал еси миру яко Бог жизнь вечную, и велию милость.

*Стих:* Воскреси Господи Боже мой, да вознесется рука Твоя, не забуди убогих Твоих до конца.

Жизноприемнаго Твоего гроба стрегуще законопреступнии, с кустодиею запечаташа тогда: Ты же яко Безсмертен Бог и Всесилен, воскресл еси тридневен.

*Стих:* Исповемся Тебе Господи всем сердцем моим, повем вся чудеса Твоя.

Дошедшу Ти во врата ада, Господи, и сия сокрушившу, пленник сице вопиаше: кто Сей есть, яко не осуждается в преисподних земли, но и яко сень разруши смертное узилище; приях Того яко мертв, и трепещу яко Бога. Всесильне помилуй нас.

*Слава, стихира евангельская.*

*И ныне, Богородичен:* Преплагословенна еси Богородице Дево: